



UNIVERSITÄTS-
BIBLIOTHEK
PADERBORN

Jacobi Alvarez de Paz Opera

De Vita Spirituali, Eivsque Perfectione - Libri quinque

Álvarez de Paz, Jacobo

Lvgdvni, 1611

Sanctissimo Ac Beatissimo Patri Et Domino N. Pavlo V. Pontifici Maximo
Jacobvs Alvarez De Paz Presbyter é Societate lesv sempiternam
fœlicitatem.

[urn:nbn:de:hbz:466:1-77833](https://nbn-resolving.org/urn:nbn:de:hbz:466:1-77833)



SANCTISSIMO AC
BEATISSIMO PATRI,
ET DOMINO N. PAVLO V.
PONTIFICI MAXIMO

JACOBVS ALVAREZ DE PAZ PRESBYTER
de Societate IESV sempiternam felicitatem.

PRIMUM tomum de vita spiritua-
li, ac eius perfectione, ex tribus,
quos Deo fauente, si vita super-
stes fuerit, tuis bonis auspiciis in
lucem dabo, dicare tibi institui
(Beatissime Pater) qui Paulus nomine, Pe-
trus munere, & potestate Christi locum in
terris obtines: qui veritas, vita & via est ad il-
lam perfectionem ad quam ex Patris æterni
imitatione nos idē Christus exhortatur. Cui
enim vel melius vel iustius submitterem li-
manda & excolenda vitæ spiritualis & perfe-
ctionis præcepta, quàm maximo catholicae
religionis magistro, qui primam cathedram,
quæ norma & methodus totius veritatis est,
in Ecclesia moderatur? quã summo omnium
sacerdoti, penes quem nō iam veram lepram
ab apparenti, sed veram ac certã sanctitatem,
& doctrinam à fucata & ementita discernēdi

Ioan. 14.

Matth. 5.

Leui. 13.

verum ac certum iudicium est: quàm iustissimo rerum omnium æstimatori, qui ex Ieremiæ vaticinio quasi os Domini, cuius vices in terris gerit, separat pretiosum à vili, & quid tenendum, quid fugiendum sit, æquâ lance dignoscit: Licet enim hæc, atque alia multa essent, quæ me ad id agendum impellerent, multa item retardarent, malui tamē nimis audax videri, quàm meæ voluntati, quæ tuæ Beatitudini peculiari voto nō solum ex nostræ minimæ Societatis instituto astricta, sed naturali, & Christiana quadā pietate dedita est, non satisfecisse. Præcipuè cū certò scirem, ea quæ ex remotissimis locis, & afferuntur, & offeruntur, hoc ipso nomine placere multis, aditumque sibi aliquando ad maximos principes, licet abiecta sint, & vilia, sola ratione longi itineris aperuisse. Capiēs igitur (Beatissime Pater) munus hoc nostrum, licet exiguum, eadem, imò maiore, vt spero, benevolentia, & amore, quàm Persarum ille Rex oblatam manibus à rustico quodam aquam suscepit, quod maiori longè pietate, ac submissione offertur, quod ex remotissimis his regionibus, tot ac tantis terrarum, triumque marium interuallis à sacrosancta Vrbe tuæ sacræ Majestatis sede disiunctis, tibi, qua par est animi obseruantia transmittitur. Illud ante viginti duos annos, ex quo huc ex Hispa-

nia à nostræ Societatis Superioribus missus sum
ad trahendam cum reliquis sociis Euangelij sa-
genam mecum ipse disposui, elaboravi succifi-
uis temporibus, quæ ex quotidianis aliis occu-
pationibus, quæ in vinea hac Domini, plantata
nuper, excolenda multæ sunt, ac variæ, vt potui
subtraxi. Illud si in augustissimo propè diuinæ
tuæ Maiestatis nomine apparet, vix dici potest
quantum meis & animi & corporis viribus, quæ
sentio, quàm sint omnes exiguæ, roboris accref-
cet ad duas reliquas huius operis partes perur-
gendas, quas iam conceptas animo, necdum
natas, vt veniant fœliciter ad partum tuæ
Apostolicæ sanctitati, quam Deus ad
multos & fœlicissimos annos ser-
uet incolumem, consecraui.

In æternum vale.

